

唐
音
統
籤

丁籤一百十施肩吾之二

唐音統籤卷

五百十

七言絕句

少年行

醉騎白馬走空衢
惡少皆稱電不如
五鳳街頭閑勒轡
半垂衫袖揖金吾

襄陽曲

大隄女兒郎莫尋
三三五五結同心
清晨對鏡理一作容色
意欲取郎千萬金

江南怨

愁見橋邊荇菜新
蘭舟沈水楫生塵
送來不是無

蓮采十頃蓮塘賣與人

昭君怨

馬上徒勞別恨深
總緣如玉不輸金
已知賤妾無歸日
空荷君王有悔心

帝宮詞

自得君王寵愛時
敢言春色上寒枝
十年宮裏無人問
一日承恩天下知

金吾詞

行擁朱輪錦幘兒
望僊門外叱金羈
染髭偷嫩無人覺
惟有平康小婦知

春詞

一作沈亞之詩稍有不同

黃鳥啼多春日高
紅芳開盡井邊桃
美人手暖裁衣易
片片輕雲落剪刀

冬詞

錦繡堆中卧初起
美容面上粉猶殘
臺前也欲梳雲鬢
只怕盤龍手捻難

曉光詞

日光浮動羲和推
東方一軋天門開
風神為我掃煙霧
四海蕩々無塵埃

望曉詞

攬衣起兮望秋河濛。遠霧飛輕羅幡。苑樹上日
欲出白榆枝畔星無多

日晚歸山詞

虎跡新逢而後泥無人家處洞邊溪獨行歸客晚
山裏賴有鷓鴣臨路岐

洗丹砂詞

千淘萬洗紫光攢夜火熒。照玉盤恐是麻姑殘
米粒不曾將與世人看

桃源詞二首

天。花裏千家住總為當時隱暴秦歸去不論無

舊識子孫今亦是他人

秦世老翁歸漢世還同白鶴返遼城縱令記得山川路莫問當時州縣名

僊翁詞

世間無遠可為游六合朝行夕已周壇上夜深風雨靜小僊乘月繫蒼虬

僊女詞

僊女羣中名最高曾看王母種仙桃手題金簡非凡筆道是天邊玉兔毛

修僊詞

丹田自種留年藥玄谷長生續命芝世上漫忙兼
漫走不知求已更求誰

侯僊詞

西歸公子何時降南岳先生早晚來
巡歷世間猶未遍乞求鸞鶴且裴徊

僊客歸鄉詞二首

六合八荒遊未半子孫零落暫歸來
井邊不認捎雲樹多是門人在後栽

洞中日月洞中仙不算離家是幾年
出郭始出人代變又須拋却古時錢

效古詞二首

莫愁新得年十六如蛾雙眉長帶綠初學瑩篋四
五人莫愁獨自聲前足
姊妹無多兄弟少舉家鍾念年最小有時繞樹山
鵲飛貪看不待画眉了

望夫詞三首

昔：北鴈又南飛薄倖征夫久不歸
蟻子到頭無信處
凡經幾度上人衣
手蘸寒鐙向影頻迴
文機上暗生塵
自家夫壻無消息
却恨橋頭賣卜人

何事經年斷書信愁聞遠客說風波西家還有望
夫伴一種淚痕兒最多

少女詞二首

嬌羞不肯點新黃踏過金田出繡床信物無端寄
誰去等閒裁破錦鴛鴦
同心帶裏脫金錢買取頭花翠羽連手執木蘭猶
未慣今朝初上采菱舫

少婦游春詞

簇錦攢花開勝遊萬人行處最風流無端自向春
園裏笑摘青梅叫阿侯

妝粧詞

斜月朧、照半床。孤妾懶收妝。燈前再覽青銅鏡，枉揀金釵十二行。

妓人殘粧詞

雲鬢已收金鳳凰。巧勻輕黛約殘粧。不知昨夜新歌響，猶在誰家繞畫梁。

拋纏頭詞

翠娥初罷繞梁詞。又見雙鬟對舞時。一拋紅羅分不足，參差裂破鳳凰兒。

江南織綾詞

卿已買得越人絲貪弄金梭懶畫眉女伴能來看
新篝鷓鴣正欲上花枝

夜笛詞

皎潔西樓月未斜笛聲嘹亮入東家却令燈下裁
衣婦誤剪同心一半花

翫花詞

今朝造化使春風開拆西施面上紅竟日眼前猶
不足數株弄入寸心中

歎花詞

前日滿林紅錦遍今日繞林看不見空餘古岸泥

土中雲落胭脂兩三片

惜花詞

千樹萬紅繞碧泉正宜尊酒對芳年明朝欲飲還
來此只怕春風却在前

春日美新綠詞

前日萌芽小於粟今朝草樹色已足天公不語能
運為駭遺義和染新綠

西山靜中吟

重道氣結成神玉闕金堂逐日新若教西山得
道者連余便是十三人

貧客吟

繼繼獲衣無處結寸心耿々如刀切今朝欲泣泉
客珠及到盤中却成血

吳中代蜀客吟

身狎吳兒家在蜀春深屢唱思鄉曲峨眉風景無
主人錦江悠々為誰綠

代農吏吟

且將一笑悅豐年漸老那能日々眠引客特來山
地上坐看秋水落紅蓮

歸將吟

百戰放歸成老翁
餘生得出死人中
今朝授勅三
回舞兩錫青城又拜公

島夷行

腥臊海邊多鬼市
島夷居處無鄉里
黑皮年少學
採珠手把生犀照
鹹水

夜巖謡

夜上幽巖踏靈草
松枝已踈挂枝老
新詩幾度惜
不吟此處一聲風月好

大隄新詠

行路少年知不知
襄陽全欠舊來時
宜城賈客載

錢出始覺大隄無女兒

山居樂

鸞鶴每於松下見笙歌常向坐中聞手持十節龍
頭杖不指虛空即指雲

遊春樂

一年三百六十日賞心那似春中物草遙四渚一作
塢花滿園東家年少西家出

冬日觀早朝

紫烟捧日爐香動萬馬千車踏新凍繡衣年少朝
欲歸美人猶在青樓曉

長安早春

報花消息是春風
未見先教何處紅
想得芳園十餘日
萬家身在畫屏中

春霽

煎茶水裏花千片
候客亭中酒一尊
獨對春光還寐
冥羅浮道士忽敲門

江南積雨歎

人厭為霖水毀溪
狀邊生苗路成泥
兩師一日三回到
棧裏閒雲豈得棲

秋夜山居二首

幽居正想冷霞客夜久月寒珠露滴千年獨鶴兩
三聲飛下巖前一枝栢
去雁聲遙人語絕誰家素機織新雪秋山野客醉
醒時百尺老松銜半月

自述

篋貯靈砂日，看欲成仙法。虬身難不知誰向交
州去為謝羅浮葛長官

鄂縣村居

欲往村西日，慵上山無水。引高卿誰能求得秦
皇術為我先駐紫閣峯

越中遇寒食

去年清明雪溪口
今朝寒食鏡湖西
信知天地心
不易還有子規
依舊啼

錢塘渡口

紀事作周匡物僅易數字

天塹茫茫連沃焦
燕皇何事不安橋
錢塘渡口無
錢納已失西興
兩信潮

春日錢塘雜興二首

酒燒溪頭桑嫫
錢塘郭外柳絲
路逢鄰婦過
相問小
如今學養蠶

西鄰年少問東鄰
柳岸花隄幾處新
昨夜雨多春

水闊隔江飛葉喚何人

下第春遊

窮情含蘂復含辛
淚眼看花只似塵
天遣春風領
春色不教分付與愁人

早春遊曲江

芳處亦將枯槁同
應緣造化未施功
羲和若擬動
鑪鞴先鑄曲江千樹紅

雲中道上作

羊馬群中覓人
道雁門關外絕人家
昔時開有雲
中郡今日無雲空見沙

同諸隱者夜登四明山

半夜尋幽上四明
手攀松桂觸雲行
相呼已到無人境
何處玉簫吹一聲

宿四明山

黎洲老人命余宿
杳然高頂浮雲平
下視不知幾千仞
欲曉未曉天雞聲

憶四明山泉

愛彼山中石泉水
幽聲夜落虛窻裏
至今憶得聞雲時
猶自涓涓在人耳

宿千越亭

琵琶洲上人行絕
千越亭中客思多月滿秋江山
冷落不知誰問夜如何

宿蘭若

聽鍾投宿入孤煙
巖下病僧猶坐禪
獨夜客心何處是
秋雲影裏一燈燃

臨水亭

只怪素亭黏黛色
溪煙為我染
萋萋欲知源上春
風起看取桃花逐水來

海邊遠望

扶桑枝邊紅皎皎
天鷄一聲四溪曉
偶看仙女上

青天鸞鶴無多綵雲少

同張鍊師溪行

青溪道士紫陽巾
洞裏仙家舊是隣
每見桃花逐流水
無回不憶武陵人

丁籤一百十施肩吾之三

唐晉統籤卷

一五百十

七言絕句二

春日宴徐君池亭

暫憑春酒換愁顏
今日應須醉始還
池上有門君莫掩
從教野客見青山

雲州飲席

酒腸雖滿少歡情
身在雲州望帝城
巡次合當誰改令
先須為我打還京

春日登霞閣

灑水初晴物候新
登霞閣上最宜春
山花四面而風

吹入為我鋪床作錦茵

春日題羅處士山舍

亂疊千峰掩翠微
高人愛此自忘機
春風若掃階前地
便是山花帶錦飛

題龍池山人

主人家在龍池側
水中有魚不敢食
終朝采藥供仙尉
却笑桃花少顏色

夏日題方師院

火天無處買清風
悶發時來入梵宮
只向方師小廊下
回看門外是樊籠

馮上人院

擾、凡情逐水流世間多喜復多憂
一回行到馮公院便欲令人百事休

夏雨後題青荷蘭若

僧舍清涼竹樹新初經一雨洗諸塵
微風忽起吹蓮葉青玉盤中瀉水銀

題景上人山門

水有青蓮沙有金老僧於此獨觀心
愁人欲寄中峯宿只恐白猿啼夜深

題山僧水閣

山房水閣連空翠沈，不有蛟龍睡老僧。趺坐入
定時，不知花落黃金地。

題禪僧院

棲禪枝畔數花新，飛作瑤璃地上塵。谷鳥自啼猿
自叫，不能愁得定中人。

越溪懷古

憶昔西施人未求，浣沙曾向此溪頭。一朝得侍君
王側，不見玉顏空水流。

登峴亭懷孟生

峴山自高水自綠，後輩詞人心眼俗。鹿門才子不

再生怪景出奇無管屬

經龍花夫人廟

誰能枉駕入荒榛
隨例形相土木身
不及連山種
抵樹花開猶得識夫人

謝自然昇仙

分明得道謝自然
古來漫說尸解仙
如花年少一
女子身騎白鶴遊青天

旅次文水縣喜遇李少府

為君三日廢行程
一縣官人是酒朋
共憶秦陽同
醉處尚書坐上納銀觥

遇越中賀仲宣

君在鏡湖西畔住
四明山下莫經春
門前幾個來蓮女
欲泊蓮舟無主人

遇王山人

每欲尋君千萬峯
豈知人世也相逢
一瓢遺却在何處
應挂天台最老松

遇李山人

遊山遊水幾千重
二十年中一度逢
別易會難君且住
莫教青竹化為龍

遇醉道士

霞被尋常帶酒眠路傍疑是酒中仙醉來不住人
家宿多向遠山松月邊

喜友再相逢

三十年前與君別可憐容色奪花紅誰知日月相
催促此度見君成老翁

山中喜靜和子見訪

絕壁深溪無四隣每逢猿鶴即相親小奴驚出垂
藤下山犬今朝吠一人

訪松嶺徐鍊師

千級峯頭一謫仙何時種玉已成田關經猶在松

陰囊讀到南華第幾篇

山中得劉秀才京書

自笑家貧客到疎
瀟庭煙草不能鋤
今朝誰料三千里
忽得劉公一紙書

對月憶嵩陽故人

團團月光照西壁
嵩陽故人千里隔
不知三十六峰前
定為何處峯前客

清夜憶仙宮子

夜靜門深紫洞煙
孤行獨坐憶神仙
三清宮裏日如畫
十二宮樓何處眠

秋吟獻李舍人

腸結愁根酒不消
新驚白髮長愁苗
主司儻許題名姓
筆下看成渡海橋

酬張明府

潘令新詩忽寄來
分明繡段對花開
此時欲醉紅樓裏
已被歌人勸一桮

再酬李先輩

清詞再發野人家
字、新移錦上花
能使龍宮買綃女
低回不敢織輕霞

酬周秀才

三展蜀牋皆郢曲我心珍重甚瓊瑶應緣水府龍
神睡偷得咬人五色綃

謫山中叟

老人今年八十幾口中零落殘牙齒天陰樞倭當
嗽行猶向巖前種松子

戲鄭申甫

年少鄭郎那解愁春來閒卧酒家樓胡姬若擬邀
他宿桂却金鞭繫紫騮

戲贈李主簿

官罷江南客恨遙二年空被酒中消不知暗數春

游處偏憶揚州第幾橋

贈采藥叟

老去惟將藥叢行無家無累一身輕却教年少取
書卷小字燈前闌眼明

贈鄭倫吹鳳管

喃喃解語鳳凰兒曾聽梨園竹裏吹誰謂五陵年
少子還將此曲暗相隨

贈王屋劉道士

小有洞中長住客大羅天上後來僊出門即是尋
常處未可還他跨鶴鞭

天柱山贈峨嵋田道士

古稱天柱連九天峨嵋道士棲其巔
近聞參得玄鶴舞試憑駐出青芝曰

贈莎地道士

莎地陰森古蓮葉游龜暗老青
苔甲池邊道士誇眼明夜取焦螟摘蚊睫

贈僊子

欲令雪貌帶紅芳更將金瓶馮玉漿
鳳管鶴聲來未足懶眠秋月憶蕭郎

贈施僊姑

縹緲吾家一女僊冰容雖小不知年有時頻夜看
明月心在常娥几案邊

贈凌仙姥

阿母送天降幾時前朝惟有漢皇知僊桃不啻三
回熟飽見東方一小兒

贈女道士鄭玉華二首

玄髮新簪碧藕花欲添肌雪餌紅砂世間風景那
堪戀長笑剡郎漫憶家

明鏡湖中休采蓮却師阿母學神仙朱絲誤落青
雲裏猶是笙篴第幾絃

寄李補闕

蒼生應怪君起遲
蒲輪重輶高陽道
功成名遂來
不來三十六峰仙鶴老

寄西臺李侍御

二千餘里采瓊瓌
到處傷心毛鷲飛
惟惟有繡衣同
柱史獨將珠玉挂西臺

寄王少府

采松偃息徒銷日
喫菜山僧枉過生
多謝藍王少
府人間詩酒最關情

寄四明山子

高樓只在千峯裏
塵世望君那得知
長憶去年風雨夜
向君窓下聽猿時

寄隱者

路絕空林無處問
幽奇山水不知名
松門拾得一片履
知是高人向北行

晚春送王秀才游剡川

越山花去剡藤新
才子風光不厭春
第一莫尋溪上路
可憐僊女愛迷人

送裴秀才歸淮南

怪來頻起詠刀頭
楓葉枝邊一夕秋
又向江南別

才子却將風景過揚州

送人歸台州

莫駭歸騎且裝徊更遣離情四五招醉後不憂迷
客路遙看瀑布識天台

秋夜山中別友人

何處遠君話別情寒山不落月華清莫愁今夜無
詩思已聽秋猿第一聲

秋夜山中別友人

獨鶴孤雲兩難識明朝又作東西別知君少壯無
十年莫愛閒吟老松月

山中送友人

欲折楊枝別恨生，一重枝上一啼鶯。
亂山重疊雲相掩，君向亂山何處行。

贈別王鍊師往羅浮

道俗翺闐留不住，羅浮山上有心期。
却愁仙處人難到，別後音書寄與誰。

送道友遊山

欲駐如今未老形，萬重山上九芝清。
君今若問采芝路，踏水踏雲攀杳冥。

送絕塵子歸舊隱二首

雲水千重繞洞門獨歸何處是堯源仙方不用隨身去留與人間老子孫

斑籐為杖草為衣萬壑千峯獨自歸縱令相憶誰相報桂樹巖邊人信稀

送僧遊越

麻衣年少雪為顏却笑孤雲未是閑此去若逢花柳月樓禪莫向苧羅山

送絕粒僧

碧洞青蘿不畏深免將飢渴累禪心若期野客來相訪一室無煙何處尋

聽范玄長吟

聲：扣出碧琅玕能使秋猿欲叫難詩興未窮心
更遠手垂青拂向雲看

安吉天寧寺聞磬

玉磬敲時清夜分老龍吟斷碧天雲隣房遙見廣
州客曾向羅浮山東聞

聞山中步虛聲

何人步虛南峯頂鶴唳九天霜月冷僊詞偶遂東
風來謾飄數聲落塵境

聽南僧說偈詞

獅子座中香已發
西方佛偈南僧說
惠風吹盡六
條塵清淨水中初見月

望騎馬郎

碧蹄新壓步初成
玉色郎君弄影行
賺殺唱歌樓上女
伊州誤作石州聲

觀美人

漆點雙眸鬢繞蟬
長笛白雪占胸前
愛將紅袖遮嬌笑
往往偷閑水上蓮

觀舞女

纏紅結紫畏風吹
嫋娜初回弱柳枝
買笑未知誰

是主萬人心遂一人移

途中逢少女

身倚西門笑向東牡丹初折一枝紅
市頭日賣千般鏡知落誰家新匣中

佳人覓鏡

每坐臺前見玉容今朝不與昨朝同
良人一夜出門宿減却桃花一半紅

諷山雲

聞雲生葉不生根常被重巖石
門額有風簾能拂滿山晴日照乾坤

歡手植松

却思臺榭栽松處青翠終將衆草分今日散材遮
不得看；氣色欲凌雲

禁中新柳

萬條金線帶春煙深染青絲不直錢又免生當離
別地宮鶉啼處禁門前

折柳枝

傷見路傍楊柳春一株折盡一重新今年還折去
年處不逆去年離別人

歡友人庭竹

魯去玄州看種玉那似君家滿庭竹客來不用呼
清風此處挂冠涼自足

山院觀花

初來惟見空樹枝今朝滿院花如雪門前為報諸
少年明日來遲不堪折

翫新桃花

幾歎紅桃開未得忽驚造化新裝飾一種同霞縵
盛時偏倚清光借顏色

山石榴花

深色胭脂碎剪紅巧能續合是天公莫言無物堪

相比妖艷西施春驛中

杜鵑花詞

杜鵑花時天盡然而恨帝城人不識丁寧莫遣春
風吹出與佳人比顏色

戲咏榆莢

風吹榆錢落如雨繞林繞屋來不住知爾不堪還
酒家漫教夷甫無行處

蜀茗詞

越梳初盛蜀茗新薄煙輕處攪來勻山僧問我將
何比欲道瓊漿却畏嗔

觀吳偃畫松

君有絕藝終身寶方寸巧心通萬造忽然寫出澗
底松筆下看了一枝老

觀葉生畫花

心竅玲瓏貌亦奇榮枯只在乎中移今朝故向霜
天裏點破繁花四五枝

山中翫白鹿

繞洞尋花日易銷人間無路得相招
如雪踏在桃花過石橋

句

年來如拋梭不老應不得以下見花眼綻紅樹

酒看藥心抽綠帶煙鋤贈友人下顛狂楚客歌

成雪媚賴吳娘笑是塩隋曲有疎勒或云關中人

謂好為塩蓋荷翻紫蓋搖波面蒲瑩青刀揀水

涓煙粘薜荔龍鬚軟雨壓芭蕉鳳翅垂二聯並

居詩所存也惜茶為滌煩子酒為忘憂君和

鋤藥顧老叟焚香呼小青是陳眉公遺却白鷄

呼則上野客祝見五通本是佛家奴身著青衣

一足無奇宿為五通所撓作天邊有仙藥為我

補三闕世人誰不愛年長所欲皆非保命方

但看日及花唯是朝可憐
摧花池塘已長鷄頭

葉落初開
湖贈臨平主人獨倚花出路
紅為脚拱官

本是奴
贈鹽官一言感著熱鐵心
為人劍下隄

青城
詞老優青鬚丈人不識愁

丁籤一百十一

唐音統籤卷

五百十

徐凝睦州人元和中官至侍郎詩一卷

唐志無按

雲溪友議稱白樂天為杭州刺史凝與張祐並請
之求解凝先有題開元寺壯丹詩白到寺看花見
其詩賞之命與同醉而歸談詠遂以凝為元
祐次之祐不服自述題金山詩凝曰美則美矣爭
如老夫千古長如白鍊飛一條界破青山色凝遂
擅場杜牧常不平之盛言祐美異于白後蘇東坡
同為惡詩洪容齋以為諸絕好詞韓侍卿相思憶
揚州皆有情致云計敏夫云樂天薦凝屈祐論
者至今鬱或歸白之妬才祐元和七年作宮體觀
詩輕薄之流能其才合諫得譽其不羈之狀往往
間見凝之標履不見于史然方干學詩于凝贈之
詩曰吟得新詩草裏論戲反其辭謂於裏老也方
干世所謂簡古者且說凝則凝之朴畧確魯從可
知矣樂天方以實行求才故薦凝抑祐牧之少年
所為名近于祐為
祐恨白理有之耳

送李補闕歸朝

駟馬歸咸秦
雙鳬出海門
還從清切禁
再沐聖明恩
禮樂中朝貴
文章大雅存
江湖多放逸
獻替欲誰論

送馬向入蜀

遊子出咸京
巴山萬里程
白雲連鳥道
青壁遞猿聲
兩雪經泥坂
烟花望錦城
工文人共許
應紀蜀中行

送日本使還

絕國將無外
扶桑更有東
來朝遙聖日
歸去及秋

風夜汎潮迴際晨征蒼莽中鯨波騰水府蜃氣狀
仙宮天眷何期遠王文久已同相望杳不見離恨
托飛鴻

題杭州開元寺牡丹

樂天刺開元日令訪求牡丹獨開元寺僧惠澄

近于京師得之植于庭時春景方深惠澄設油幕覆其上以俟白至會張自富春來未識白先題詩云云餘詳前

此花南地知誰種慚愧僧間用意栽
海燕解憐頻睥睨胡蜂未識更徘徊
虛生芍藥徒勞妬羞殺玫瑰不敢開
惟有數苞紅萼在含芳只待含人來

楊叛兒

哀怨揚叛兒
駘蕩卽知否
香奩博山爐
烟生白門柳

白銅鞮

騷衷錦障泥
樓頭日又西
留歡住不住
素齒白銅鞮

春寒

亂雪沒教舞
回風任聽吹
春寒能作底
已被柳條欺

避暑二首

一株金梁密
數畝碧鮮疎
避暑臨溪坐
何妨直釣

魚

班多筒簾冷髮少角冠清避暑長林下寒蟬又有聲

天台獨夜

銀地秋月色石梁夜溪聲誰知屐齒盡為破烟苔行

香爐峯

香爐一峯絕頂在寺門前盡是玲瓏石時生旦暮烟

廬山獨夜

寒空五老雪斜月九江雲鐘聲知何處蒼々樹裏聞

武夷山仙城

武夷無上路毛徑不通風欲共麻姑住仙城半在空

雲封庵

登巖背山河立石秋風裏隱見浙江潮一尺東溝水

杭州祝濤頭二首

不道沙堤盡猶欺石棧頑寄言飛白雪休去打青

山打倒錢塘郭長駟白浪花吞吳休得地輪却五千
家

浙西李尚書奏廢淫昏廟

傳聞廢淫祀萬里靜山陂款慰靈均恨先燒新尚
祠

酬相公再遊雲門寺

遠羨五雲路逶迤千騎迴遺簪惟一去貴賞不重
來

問魚叟

生事同萍梗機心在野舡如何臨逝水白髮未忘
筌

送陳司馬

家寄茅洞中身遊越城下寧知許長史不憶陳司
馬

送寒巖歸士

不挂絲繡衣歸向寒岩棲寒岩風雪夜又過岩前
溪

漢宮曲

水色巖前流玉霜趙家飛燕侍朝陽掌中舞罷簫

聲絕三十六宮秋夜長

宮中曲二首

披香侍宴揀仙花
厭著龍綃著越紗
恃賴傾城人
不及檀粧唯約數條霞

身輕入寵盡恩私
腰細偏能舞柘枝
一日新粧拋舊樣
六宮爭画黑烟眉

莫愁曲

玳瑁床頭刺戟袍
碧紗窗外葉騷騷
若為教作遼西夢
月冷如針風似刀

樂府新詩

一聲盧女十三絃早嫁城西好少年不羨越溪歌
者苦采蓮歸去綠窻眠

山鷓鴣詞

南越嶺頭山鷓鴣傳是當時守貞女化為飛鳥怨
何人猶有啼聲帶蠻語

甌鏡詞

寶鏡磨來寒水清青衣把就綠牕明潘郎懊惱新
秋髮拔却一莖生兩莖

鄭女出叅丈人詞

鳳釵翠翹雙宛轉出見丈人梳洗晚掣戎羅綃跪

拜時柳條無力花枝軟

長慶春

山頭水色薄籠烟
久客新愁長慶年
身上五勞仍病酒
天桃墮下背花眠

二月望日

長短一年相似夜中秋
未必勝中春不寒不暖看
明月況是從來少
睡人

七夕

一道鵲橋橫渺々千聲玉珮通
玲瓏別離還有經年客
悵望不如河鼓星

八月十五夜

皎皎秋空八月圓
常娥端正桂枝鮮
一年無似如今夜
十二峯前看不眠

春雨

花時悶見聯綿雨
雲入人家水毀堤
昨日春風源上路
可憐枉拋泥

八月望夕雨

今年八月十五夜
寒雨蕭蕭不可聞
如練如霜在何處
吳山越水萬重雲

八月九月望入雨

八月繁雲連九月雨回三五晦漫_々一年悵望秋
將盡不得嫦娥正面看

喜雪

長愛謝家能諫雪今朝見雪亦狂歌楊花道即偷
人句不那楊花似雪何

春飲

烏家茗下蟻還浮白玉尊前倒即休不是春來偏
愛酒應須得酒遣春愁

侍郎宅泛池

蓮子花邊回竹岸雞頭葉上盪蘭舟誰知洛北朱

門裏便到江南洛水遊

奉陪相公看花宴會二首

丞相邀歡事，同玉簫金管咽東風。
百分春酒莫辭醉，明日的無今日紅。

木蘭花謝可憐條，遠道音書轉寂寥。
春去一年春又盡，幾回空上望江橋。

金谷覽古

金谷園中數尺土，問人知是綠珠臺。
綠珠歌舞天下絕，唯與石家生禍胎。

汴河覽古

煬帝龍舟向北行三千宮女采橈輕渡河不似如
今唱為是誰家怨思聲

長洲覽古

吳王上國長洲苑翠黛寒江一道斜傷見摧殘舊
宮樹美人曾插九枝花

荆巫夢思

楚水白波風嫋嫋荆門暮色雨蕭蕭相思合眼夢
何處十二峯高巴字遙

憶揚州

蕭娘眼下難勝淚桃葉眉頭易得愁天下三分明

月夜二分無賴是揚州

憶紫溪

長憶紫溪春。歡盡千巖。交映水回斜。岩空水端溪。
自紫水態更寵。南燭花。

讀遠書

兩轉三回讀遠書。画簷愁見燕歸初。百花時節教
人懶。雲髻朝來不欲梳。

語兒見新月

幾處天邊見新月。經過草市見西施。娟娟水宿初
三夜。曾伴愁蛾到語兒。

嘉興寒食

嘉興郭裏逢寒食落日家
一拜掃回惟有縣前蘓
小小無人送與紙錢來

再歸松溪舊居宿西林

五粒松聲溪水清
衆山搖落月偏明
西林靜夜重來宿
暗記人家犬吠聲

見少室

適我一簞孤客性
問人三十六峰名
青雲無忌白雲在
便可嵩陽老此生

題縉雲山鼎池二首

相傳黃帝
鍊丹處

黃帝旌旗去不回空餘片石碧崔嵬有時風捲鼎
湖浪散作晴天雨點來

天地茫茫成古今仙都凡有幾人尋到來唯見山

高下只是不知湖淺深

見仙都志

廬山瀑布

芥隱筆記云凝一條界破青山色句白公稱之東坡以為廬山稱

為鬼詩天台山賦瀑布飛流而界道孰為鬼詩無所自即

虛空落泉千仞直

一作瀑布千丈直

雷奔入海不暫息

千古

一作今古

長如白練飛一條界破青山色

觀浙江濤

浙江悠悠海西綠驚濤日夜兩翻覆錢塘郭裡看

潮人直至白頭看不足

過馬當

風波隱隱石蒼蒼送客靈鴉拂去牀三月盡頭雲
葉秀小姑新著好衣裳

相思林

遠客遠遊新過嶺每逢芳樹問芳名長林遍是相
思樹爭遣愁人獨自行

題伍員廟

十載空祠雲海頭夫差亡國已千秋浙波只有靈
濤在拜奠青山人不休

將至妙喜寺

清風媚越水陂遠樹蒼々妙喜寺自有車轡興
馬蹄未曾到此波心地

省別上人房

浮生不定若蓬飄林下真僧偶見招覺後始知身
是夢更聞寒雨滴芭蕉

奉酬元相公上元

出擁樓船千萬人入為台輔九霄身如何更羨看
鏗夜曾見宮花拂面春

和秋遊洛陽

洛陽自古多才子，惟愛春風爛漫遊。
今到白家詩句出，無人不咏洛陽秋。

和嵩陽客月夜憶上清人

獨夜嵩陽憶上僊，月明三十六峯前。
瑤池月勝嵩陽月，人在玉清眠不眠。

和川守侍郎緱山題仙

王子緱山石殿明，白家詩句詠吹笙。
安知散席人間曲，不是寥天鶴上聲。

和夜題玉泉寺

歲歲雲山玉泉寺，年々車馬洛陽塵。
風清月冷水

邊宿詩好官高有幾人

和侍郎邀宿不至

蟾蜍有色門應瑣街鼓無聲夜自深料得白家詩
思苦一篇詩了一彈琴

正月十五夜呈幕中諸公

宵遊二萬七千人獨坐重城圈一身步月遊仙俱
不得可憐辜負白頭春

東白丈人

昔時丈人鬢髮白千年松下鋤茯苓今來見此松
樹死丈人斬新髮髮青

回施先輩見寄新詩二首

九幽仙子西山卷讀了
條繩繫又開此卷玉清宮
裏少曾尋真誥讀詩來

紫河車裏丹成也
皂莢枝頭早晚飛
料得仙宮列仙籍如君進士出身稀

荅白公

高景爭來草木頭
一生心事酒前休
山公自是山人侶
攜手醉登城上樓

寄白司馬

三條九陌花時節
萬戶千車看牡丹
爭遣江州白

司馬五年風景憶長安

八月燈夕寄遊越施秀才

四天淨色寒如水八月清暉冷似霜
想得越人今夜見孟家珠在鏡中央

寄潘先生

主人知姓不知名聞道黃金骨節輕
世上仙方無覓處欲來西岳事先生

寄海嶠丈人

萬丈只愁滄海淺一身誰測歲年遙
自言來此雲邊住曾看秦王樹石橋

寄玄陽先生

不能相見見人傳
巖岸山中試岸邊
顏貌只如三
二十道年三百亦藏年

員嶠先生

員嶠先生無白髮
海烟溪處采青芝
逢人借問陶
唐主欲進冰蠶五色絲

獨住僧

百補袈裟一比丘
數莖長睫覆青眸
多應獨住山
林慣惟照寒泉自剃頭

自鄂渚至河南將歸江外留辭韓侍郎

一生所遇惟元白天下無人重布衣欲別朱門淚
先盡白頭遊子白身歸

送沈亞之赴郢渚

千萬秉聰沈司戶不須惆悵郢中遊幾年白雪無
人唱今日惟君上雪樓

蠻入西川後

守隘一夫何處在長橋萬里只堪傷紛紛塞外烏
蠻賊駭盡江頭濯錦娘

傷画松道芬上人

因画釣臺江山而逝

百法駉馳百年壽五勞消瘦五株松昨來聞道嚴

陵死画到青山第幾重

觀釣臺画图

一水寂寥青霭合
西崖崔嵬白雲殘
画人心到啼猿破
欲作三聲出樹難

却歸舊山望月有寄

年年明月摠相似
大抵人情自不同
今夜故山依舊見
班班見扇樣碧峯東

和嘲春風

源上拂花燒水發
江邊吹杏暗園開
可憐半死龍門樹
懊惱春風作底來

古樹

古樹欹斜臨古道枝不生花腹生草行人不見樹
少時樹見行人幾番花

浙東故孟尚書種柳

孟家種柳東城去臨水逶迤思故人不似當時大
司馬重來得見漢南春

翫花五首

一樹梨花春向暮雪枝殘處怨風來明朝漸校無
多去看到黃昏不欲回

麴塵溪上素紅枝影在溪流半落時時人自惜花

腸斷春風却是等閒吹

朱霞黯黯山枝動綠野聲。杜宇來誰為蜀王身
作鳥自啼還自有花開

誰家躑躅青林裏半見殷花
送客溪紅衫子影門時

花到薔薇明艷絕燕支
番退小婦輕粧大婦愁

上陽紅葉

洛下三分紅葉秋二分翻作上陽愁
溝上一片出宮何處流

牡丹

何人不愛牡丹花
占斷城中好物華
疑是洛川神女作
千嬌萬態破朝霞

誇紅錦槿

誰道槿花生感促
可憐相計半年紅
何如桃李無多少
併打千枝一夜風

和白使君木蘭花

枝枝轉勢雕弓動
片片搖光玉劍斜
見說木蘭征戍女
不知那作酒邊花

紅蕉

紅蕉曾到嶺南看
校小芭蕉幾一般
差是斜刀剪
紅絹卷來開
去葉中安

奉和鸚鵡

毛羽曾經剪處殘
學人言語道暄寒
任饒長被金籠合
也免棲飛雨雪難

洛城秋砧

三川水上秋砧發
五鳳樓前明月新
誰為一作秋砧明月夜
洛陽城裏更愁人

白人

暖風入烟花漠漠
白人梳洗尋常薄
泥郎為掃瓏

璚釵爭教一朵牙雲落

句

青山舊路在白首醉還鄉

別白公

試到第三橋便

入千頃花

以上並紀事

亂後見淮水歸心忽超遙

京郊

還汴口作

乍疑鯨噴浪忽似鷁臨風呀呷汀洲動喧

闌里蒼空

競渡